

Broj: 01-02/2-2388/23SK
Sarajevo, 11.07.2023. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prilježeno: 13-07-2023			
Org. jed.	Broj	Priloga	Vrijednost
05/2	-02-	186	123

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA PARLAMENTA FEDERACIJE BIH

n/r
Almir Babajić, delegat

Predmet: Odgovor na delegatsko pitanje, **dostavlja se-**

Poštovani,

Na 2. sjednici Doma naroda Parlamenta Federacije Bosne i Hercegovine održanoj 26.06.2023. godine, postavili ste delegatsko pitanje koje glasi:

„2500 građana ZDK-a nisu dobili jednokratnu pomoć po osnovu Uredbe o pomoći stanovništvu uslijed rasta indeksa potrošačkih cijena koje je Vlada Federacije BiH usvojila prošle godine, ako su upoznati šta su učinili po tom pitanju i konkretno da li Vlada Federacije BiH može išta učiniti da ti ljudi dobiju tu pomoć jer evo čekaju je već 6 mjeseci“ sa aspekta nadležnosti Federalnog ministarstva rada i socijalne politike (u daljem tekstu: Ministarstvo), dajemo sljedeći odgovor:

Vlada Federacije Bosne i Hercegovine je donijela Uredbu o pomoći stanovništvu uslijed rasta indeksa potrošačkih cijena ("Službene novine Federacije BiH", br. 55/22, 77/22 i 86/22), kojom se uređuje pomoć stanovništvu putem jednokratnih novčanih isplata penzionerima, zatim korisnicima prava iz boračko-invalidske zaštite i licima sa invaliditetom i civilnim žrtvama rata, pomoć stalnim primaocima novčane pomoći i druge materijalne pomoći i ostale jednokratne pomoći, te licima koja nisu obuhvaćena čl. 8 i 12. Uredbe, a koja su imala status nezaposlenog lica po evidencijama Federalnog zavoda za zapošljavanje na dan 31.08.2022. godine, s ciljem osiguravanja finansijske i materijalne podrške u cilju poboljšanja materijalnog statusa najugroženijih kategorija stanovništva, a zbog značajnog rasta indeksa potrošačkih cijena u iznosu od 100,00 KM.

Sredstva za isplatu jednokratne novčane naknade za nezaposlene osobe, osigurala su se u Budžetu Federacije za 2022. godinu, Odlukom o utvrđivanju konačnog iznosa sredstava za isplatu jednokratne novčane naknade nezaposlenim osobama V.broj: 1764/2022 od 08.12.2022. godine, Vlada Federacije BiH utvrđuje konačan

iznos sredstava potreban za isplatu jednokratne novčane naknade nezaposlenim osobama u iznosu 18.724.700,00 KM.

Također, u skladu sa Odlukom o utvrđivanju konačnog iznosa sredstava za isplatu jednokratne novčane naknade nezaposlenim osobama od 08.12.2022. godine, kantonalne službe za zapošljavanje, bile su dužne dostaviti Vladi Federacije Bosne i Hercegovine izvještaj o realizaciji sredstava, sa podacima o broju osoba kojima je isplata izvršena i ukupno utrošenim novčanim sredstvima u ove svrhe.

Vlada Federacije BiH je na osnovu zahtjeva kantonalnih službi za zapošljavanje za isplatu, utvrdila konačne spiskove korisnika jednokratne novčane naknade, te na osnovu istih utvrdila konačni iznos sredstava, koja su osigurana na razdjelu Federalnog ministarstva rada i socijalne politike u Budžetu Federacije BiH za 2022. godinu, te doznačena svakoj od kantonalnih službi za zapošljavanje od strane Ministarstva.

Nadalje, po realizaciji navedene Uredbe, Ministarstvo je zaprimilo veći broj upita i prigovora od strane osoba sa statusom nezaposlenog lica kojima jednokratna novčana naknada nije isplaćena, te je uvidom u izjašnjenja i dostavljene izvještaje o realizaciji od strane kantonalnih službi za zapošljavanje utvrđeno da određeni broj osoba koje se nalaze na evidencijama nezaposlenih osoba, a ispunjavaju uslove za isplatu jednokratne novčane naknade u skladu sa Uredbom, istu nisu primili, odnosno nisu se nalazili na konačnim spiskovima korisnika jednokratne novčane naknade utvrđenim od strane Vlade Federacije BiH.

S tim u vezi, Ministarstvo je aktima broj: Ž-SA-04-24/23 od 23.02.2023. godine, Ž-BL-08-112/23 od 26.04.2023. godine i Ž-SA-04-271/23 od 08.06.2023. godine, zatraženo izjašnjenje od strane Institucija Ombudsmena za ljudska prava Bosne i Hercegovine u vezi sa pravom na jednokratnu novčanu naknadu u iznosu od 100,00 KM za osobe koje su imale status nezaposlene osobe po evidencijama službe za zapošljavanje na dan, 31.08.2023. godine. S obzirom na navedeno, Ministarstvo je zatražilo izjašnjenje na navedene okolnosti od Federalnog zavoda za zapošljavanje i nadležnih kantonalnih službi za zapošljavanje, te dostavilo informaciju Instituciji Ombudsmena za ljudska prava BiH o navedenom.

Slijedom gore navedenog, od strane Institucija Ombudsmena za ljudska prava BiH dostavljena je Preporuka, kojom se, između ostalog, Vladi Federacije BiH, Federalnom ministarstvu rada i socijalne politike, Federalnom zavodu za zapošljavanje i nadležnoj službi za zapošljavanje preporučuje da razmotre mogućnosti isplate jednokratne novčane pomoći osobama koje su imale status nezaposlene osobe po evidencijama službe za zapošljavanje na dan, 31.08.2023. godine, a za koje nadležne službe posjeduju valjane podatke o transakcijskim računima.

Imajući u vidu navedeno, Ministarstvo je informisalo Vladu Federacije BiH o navedenom pitanju, te pripremlilo prijedlog zaključka kojim se, između ostalog, zadužuju kantonalne službe za zapošljavanje da u saradnji sa Federalnim zavodom za zapošljavanje, postupe po Preporuci Institucija Ombudsmena za ljudska prava BiH, te da razmotre mogućnost isplate jednokratne novčane pomoći nezaposlenim osobama, a kojima ista nije isplaćena u skladu sa Uredbom o pomoći stanovništvu uslijed rasta indeksa potrošačkih cijena, te da o istom obavijeste Instituciju